

**(12) RUNYANKOLE/RUKIGA LEAFLET ON WHAT
A CHRISTIAN SHOULD BELIEVE.**

**ABAISHEEMWE OMURI YESU
ABIKURU NA MAZIMA OMU BAIBURI**

**EKI OMUKRISTAYO ASHEMEREIRE KWIKIRIZA
OKWIKIRIZA ENYIKIRIZA Z'ABAKRISTAYO
AB'OMUKYASHA KY'OKUBANZA.**

Kworaheze kushoma akatabo aka noza kumanya eby'okugarukwamu aha bibuzo ebi:

2. Ahabwenki nshemereire kwikiriza enyikiriza z'abakristayo ab'omukyasha ky'okubanza?
3. Abakristayo b'omukyasha ky'okubanza bakaba nibikiriza ki?
4. Ekanisa ei ndimu yaba etarikwegyesa ebyo ebyabakristayo b'omukyasha ky'okubanza babaire nibikiriza, nkoreki?

1. AHABWENKI NSHEMEREIRE KWIKIRIZA ENYIKIRIZA ZABAKRISTAYO
AB'OMUSHASHA KY'OKUBANZA?

Nikikuru munonga abakristayo b'omukyasha kya 21 okugira enyikiriza zimwe nk'ez'abakristayo ab'omukyasha ky'okubanza. Ahabwenki? Ahabw'okuba abakristayo ab'omukyasha ky'okubanza bakatuura omubwire obwakurasire obu Yesu Kristo yaburiiremu "engiri y'Obukama bwa Ruhanga."

Twaba nitwenda kunywa amaizi agatarimu katookozi omu mugyera, tushemereire kuhika haihi n'ensuro yago. Nitumanya ngu omugyera kugurikweyongyera eifo nikwo gurikweyongyera kutokoora.

Nikwo kiri n'omukwetegyereza okwegyesa kwa Baibuli. Yesu nuwe ensuro y'amaizi marungi. Kw'orikwirira haihi n'okwegyesa kwe nikwo turikutunga okwetegyereza okutarimu katokoozi. Abatume Petero na Paulo bakaba bariho omubwire bwa Yesu. Nituba tutari munshobi twikiriza ebi bayegyeise. Eky'obusaasi ebibayegyeise tibirikugambwaho ababurizi ob'omurembe ogu.

2. ABAKRISTAYO B'OMUKYASHA KY'OKUBANZA BAKABA NIBIKIRIZAKI?

Tushemereire kushwijuma okugamba kwa Petero okw'okubanza bwanyima ya Yesu aherize kutembe omu Iguru. Natugambira omu Byakozirwe 2:14-47 eki Abakristayo bashemereire kwikiriza:

2:21,23 Yesu tarafiire kufa kwa butandu. Kukaba kuri kimwe aha nteekateeka za Ruhanga ku Yesu, Omwana we otiine kibi, oku arihayo amagara ge kujuna abasiisi. Ahabw'okushisha kwa Adamu, Ruhanga akamucwera orubanja rw'okufa, nahari Hawa, hamwe n'abantu boona. Yesu ahabwa magara ge agataine kibi, akabasiisa abo boona abamwikirize kandi bakarinda ebiragiro bya Ruhanga, amagara agatahwaho.

2:24-28. Ahabwokuba Yesu akaba ahikirire, Ruhanga akamuzoora kuruga omubafu. Omugabe Daudi akagamba ahari Yesu ku Ruhanga "taritsiga magara gangye kuzimu n'obukwakuba okureeka orikwera wawe kujunda". Zaburi 16:10). Yesu akafa kandi yazikwa omu kituuro. Ruhanga yamuhibura. Yamuha okutafa. Nikikuru okwetegyereza ku Baiburi etarikugamba ngu omuri Yesu akaba aine ekihangirwe ekitari kufa, ekyagire omu Iguru obu yafa. Eki nekiteekateeko ky'ekiyonani, tikya Baiburi. Yesu akaba aine omubiri, arikurya akarebwa kandi bamukwataho obwe yahindwirwe omukutafa.

2:29:36. Omugabe Daudi akakundwa Ruhanga. N'obukirabe kyabaire kirikityo, Petero natugambira ngu Daudi "akafa kandi yazikwa". Ogwe nigwo muheru gwaitu ab'omunsi twena.

Petero tarayegyeise ngu Daudi akaba aine ekicweka ekitafa omuri we. Amatsiko g'omukristayo gari ngu Yesu kwarigaruka arikuruga omu Iguru aryazoora abafiire. Aryahereza abakurasi be abeesigwa omubiri ogutafa, oguri nk'ogwe.

Ruhanga akaraganisa Duadi ku "arita omwe ahabajukuru aha ngoma ye". Daudi akaba nagamba aha "kuzooka kwa Kristo ku atarasigirwe kuzimu kandi n'omubiri gwe guitarajunzire."

Nahabwekyo Yesu akaza omukituuro kuyaherize kufa, hatari omu Iguru. Ruhanga akazoora omubiri gwe kuruga omu kituuro. Oyetegyereze kandi ku Yesu ari owakushutama ahangoma ya Daudi.

Akaba ari nkahi? Neza kuba eri omuri Yerusalem omu ihanga rya Israeli. Yesu naza kugaruka kuba Omugabe ahikire omunsi yoona. Obukama bwa Ruhanga nibuza kuba omunsi, timwiguru. Abahikirire ba Yesu abeesigwa nibaza kuba abahuriire ebiro n'ebiro. Baryategyekyera hamwe na Yesu abantu abarikufa, omubukama bwe.

Petero nashoborora ku obunabi bwa Daudi bwatugambire ngu Yesu aryashutama aha 'mukono gwa buryo" gwa Ruhanga (Niyo ari hati). Kwonka ekyo kiryabaho obu Ruhanga arihindura abazigu be akateebe k'ebigyere bye. Bwanyima yekyo Ruhanga "aryatuma Kristo" kuba Omugabe w'ensi yoona (Ebyakozirwe 3:19-21).

Petero akaijusya oruterane rw'abantu ku Ruhanga yamuhindwire Mukama kandi Kristo ogu Yesu ou mwabambire. Abantu kubakihurire bacumitwa omu mitima ahabwekikorwa kyabo ekyarugiremu Yesu Omwana wa Ruhanga kufa.

Bakabuza ekibuzo kikuru "Tugire tuta?". Petero yabagarukamu ati "Mweteise, mwena mubatizibwe omu iziina rya Yesu Kristo mubone kusaasirwa ebibi byanyu".

Oyetegyereze ngu abantu abakuru nibo baburize ekibuzo “Tugire tuta?” Okubatiza okwekiKristayo n’okwabantu bakuru abarikweshariraho kukurata Kristo kandi baketeisa ebiibi byabo.

Okumisiira amaizi abeerere tikirikwegyesibwa omu Baiburi. Omubugufu ebi Petero omwegi wa Yesu yabaire naikiriza kandi arikwegyesa.

- Yesu Kristo n’Omwana wa Ruhanga
- Akatura omunsi ataine kibi kandi yatufera.
- Akaza omukituuro kuyaherize kufa
- Ruhanga akamuzoora kuruga omu kufa
- Omubutafa obwarimu, Yesu akine omubiri
- Yesu akatemba omu Iguru kushutama aha mukono gwa buryo gwa Ruhanga.
- Aryagaruka omunsi abe Omugabe ahangoma ya Daudi omuri Yerusalem
- Abakristayo bashemereire kwikiririza omuri Yesu, beteise ebibi byabo kandi babatizibwe.
- Bateerane butosha okwijuka Yesu bari “Kubega omugati”.
- Baikirize ngu endagano enkuru ekahandiikisiibwa omwoyo wa Ruhanga.

Twaba nitweyeta abakristayo twine okwikiriza ebyo byona ebyagambwa aharuguru. Ekigamob “Omukristayo” nikikozesibwa emirundi eshatu omundagano ensya. Itwe nitubeegahoki? Ebyakozirwe 11:19-26. Abakristayo “bagume bari abeesigwa.... Baine ekigyendererwa kihami”. Oku nikwo kwehay....

Babagane okwikiriza kwabo naabo abarikwenda kubahurira. Ebyakozirwe 26:19-28
Paulo nagambira omugabe Aguripa n’omutegyeki waba Rooma Festo ku –
Abakristayo bashemereire “kweteisa kandi bakahindukira Ruhanga. Kandi
bashemereire okwikiriza ebyahandikirwe ebyendagano enkuru. Bashemereire
kugamba “Ebigambo by’amazima byonka”.

Yesu akazooka kuruga omu bafu. Nuwe yabandize kuhungura amagara agatahwaho.

1Petero 4:12,19 Abakristayo baine okubonabona ahabw'okwikiriza omu Yesu Kristo.

Yesu aryagaruka kucwera orubanja abo abu Ruhanga arisharaho ngu nabe.

Ebi byona ebyagambwaho nibitwongyera okwetegyereza eki abakristayo
bashemereire kwikiriza n'okubashemereire kutwaza. Byona nibimwe nebi Petero
yayegyeise Omubyakozirwe 2.

3. EKANISA EI NDIMU YABA ETARIKWEGYESA EBYO EBYABAKRISTAYO
B'OMUKYASHA KY'OKUBANZA BABAIRE NIBIKIRIZA, NKORE KI?

Omubyakozirwe 18:24-28 nitwega ahamuyudaya orikwetwa Apolo akaba ari
omuburizi oyeheireyo kuburira kwonka akaba nayetegyereza bimwe ebi abakristayo
bashemereire kwikiriza. Eki kikaba kihikire? Ngaha. Akula na Priskila, ababaire baine
okwetegyereza okurikumara bakamwegyesa omuhanda gwa Ruhanga bataine
ekibarikurekayo.

Oky'okureeberaho eki, n'eky'obwengye okwegaita omu kibiina kya bakristayo
abarikwikiriza enyikiriza yabakristayo abomukyasha ky'okubanza. Abaisheemwe
omuri Kristo, buzima bo, nibikiriza enyegyesa ezo zonna.

Nikiha ekirikubaasa kuba kikuru okukira okwikiriza, n'okwegyesa engiri eyamazima
nkuku Yesu, Petero na Paulo bagyegyeise?

Kworakore otyo, okwikiriza kwawe nikwija kukutwara omumagara agatahwaho
omubukama bwa Ruhanga.

Tumanyise waba noyenda kumanya ebirikukiraho hamwe n'enyikiriza zabaishemwe omuri
Kristo.

Buza abaisheemwe abakuri haihi nari handiikira:-

CHRISTADELPHIAN BIBLE MISSION
404 Shaftmoor Lane, Birmingham B28 85Z, UK

OR

CHRISTADELPHIAN (REGIONAL OFFICE – MBARARA)
P.O. Box 885,
MBARARA-UGANDA

